

gloriam redolet: monacho enim qui plantis habet officium nullomodo decet nitidas sed lugubres vestes habere. Unde Cassianus vbi supra: Vestimenta monachorum ita vilia sint vt nulla coloris vel habitus nouitate inter ceteros huius propositi viros habeantur insignia. Quintum reprehensibile in habitu est compositio irregularis secundum seculi vanitatem. videlicet aut cum in inferiori parte vestis scissa est aut in superiori rugata colligitur que compositionis forma nullo pacto congruit in vestibus religiosorum. Unde extra de statu monachorum capitulo primo in clementinis inter alia precipitur vt vestis monachi rotunda sit non scissa. Sextum reprehensibile in habitu est extraneitas videlicet quoniam aliqua singularitate est ab alijs distincta. De qua Sophonie. j. Visitabo super omnes qui induti sunt veste peregrina. Et Cassianus vbi supra de habitu monachi loquens ait: Quicquid enim inter famulos dei presumitur ab vno vel paucis: nec catholice per omne corpus fraternitatis tenet aut superfluum aut elatum est et ob id noxium iudicandum est: magisque vanitatis specie quam virtutis ostentans. Et Hieronymus: Vestis nec satis munda nec sordida et nulla diuersitate notabilis sit: ne ad te obuia pertineant turba persistat nec digito demonstreris. Septimum reprehensibile in veste est nimia longitudo que a domino reprehenditur. Luce xx. dicente: Attendite a scribis qui volunt ambulare in stolis: stola est vestis longa. Octauum est nimia breuitas. Vestis quidem multum breuis nullomodo virum religiosum decet: sicut supra dictum est. Unde detractione vestium debonestati sunt filij dauid a domino filiorum amon: secundo regum. x. Nonum est imudicia. Hieronymus. Nec affectate sordes nec exquisite deliciae proprio conueniunt. Item idem: Ornatus et sordes pari modo fugienda sunt quia alterum delicias alterum gloriam redolet. Unde de beato Augustino legitur. Vestimenta eius et calciamenta nec nimis nitida erant nec plurimum abiecta. Decimum est superfluitas vestium: hec enim minime decet virum religiosum qui paupertatis votum emisit: Unde de multitudine superflua vestium ita loquitur Bernardus: Nudi clamant et famelici et congrun-

tur nobis de fame et frigore miserabiliter. Laborantibus quid conferunt tot mutatoria extensa in perticis vel plicata in mantis? Jac. v. Agite nunc diuites plorate plulantes etc. Sequitur. Vestimenta vestra a tineis comesta sunt. Sequitur de femoralibus (Femoralia hi qui in via diriguntur de vestiario accipiant; qui reuerentes lota ibi restituant) Cuius aduertendum quod tempore huius institutionis rarus erat usus brachiarum: sed quicquid sit de usu illius temporis pertinentius nobis videtur quod religiosi in monasterio in via directi illis utantur. Sequitur (Cuculle et tunice sint aliquando his quas habere soliti sunt modice meliores quam exeuntes in via accipiant de vestiario et reuerentes ibi restituant) Prouidet autem sanctus pater ad vitandum omnem notam siue singularitatem que ex nimia abiectioe vestium nascitur vt vestes meliores portent fratres qui in via aliquam dirigunt quam soliti sunt in monasterio deferre. hypocrite autem e contrario faciunt: in monasterijs optimis vestibus indui volunt: et ad aspectum hominum exeuntes sordidis aut vilibus siue rusticis vestibus indui procedunt. Verum si monachus satis bonas et integras vestes habeat non erit opus eunti dare meliores. Sequitur vltima pars in qua de stramentis sanctus pater disponit (Stramenta autem lectorum sufficiant matta sagum et lena et capitale) Quattuor ista sufficere dicit sanctus pater lectori monachi. Primum est matta que est id quod super paleas ponitur quod vulgariter dicitur mattaracium. Secundum est sagum quod est pannus de lana aspera sicut est grossa sarica que immediate loco linteaminis super mattaracium collocatur. Tertium est lena que est cooperimentum de lana factum pillosum quod frigori obistere possit. Quartum est capitale quod capiti supponitur de paleis aut de lana plenum. Quo loco aperte sanctus pater Benedictus ostendit quod lecti mollicies non est a discipulo huius schole querenda sed magis vitanda. Quia autem de dormitione plura diximus superius circa capitulum regule xxij. super sedemus nunc a longiore sermone. Sequitur aduisamentum quoddam contra proprietatem: iubet enim frequenter scrutinium fieri lectorum dicens (Que tibi lecta frequenter ab abbate scrutanda sunt propter

Uniformitas
in vestitu ser-
uanda.

Stola pprie.

Exempluz.

Superfluitas
vestium.

Usus femora-
lium.

Contra hypo-
critas.

Quattuor ad
stratum mona-
chorum.

Proprietatis
vitiū vbi qd
sequitur.